



Ordinàntzia n. 07 de su 22.07.2020

Ogetu: Regulamentatzioni temporànea de sa circulatzioni stradali po fai is traballus de allàciu de s'acqua in unu fàbricu in su cursu f.lli Cervi, 55.

SU RESPONSABILI DE SU SERVÌTZIU

Bida sa comunicatzioni de su sig. Tendas Emanuele, registrada a su prot. n. 3519 de su 30/06/2020 inui si pedit de regulamentai sa circulatzioni stradali in su tretu de sa s.p. 9 aintru a sa bidda, po fai traballus de allàciu a sa retza idrica e a cussas de sa bassa, de su fàbricu chi s'agatat in su cursu f.lli Cervi 55; Pigada a cunsideru duncas sa netzessidadi, po sa siguresa pùblica de proibiri sa circulatzioni e sa sosta de is màchinas in su tretu de strada interessau de custus traballus;

Tentas is carateristicas de sa strada interessada;

Intèndiu su parri de is ufizius competentis e prusatotu de su Servitziu Tènnicu e de cussu de Politzia Locali.

Biu su nulla osta de sa Provintzia de Aristanis – Setori viabilidadi prot. 9337 d su 20/07/2020;

Bius is artt. 6, 7 e 37 de su Còdixi de sa Strada aprovau cun D.Lgs. 30-4-1992, n. 285 e modìficas e integratzionis afatantis, e su regulamentu de esecutzioni e atuatzioni aprovau cun

D.P.R. 16-12-1992, n. 495;

Biu su Statutu Comunali

Biu su D.Lgs. nn.267/2000;

ORDINAT

In is diis 29 e 30 de argiolas 2020 e fintzas a s'acabbu de is traballus est disposta sa proibidura de circulatzioni e sosta cun rimotzioni in su tretu de su cursu f.lli Cervi (S.P. 9) a partiri de s'ingruxada cun sa via Martini e fintzas a s'ingruxada cun sa via Eleonora d'Arborea;

Su tràficu de is màchinas chi ndi arribant de Zerfaliu- Tramatzia conca a Siamajore at a èssiri desviau in sa via Gramsci, via Simaxis, via S. Satta, comenti inditau in sa planimetria alliongiada a custa ordinàntzia.

AVISAT

Totu is impitadoris de sa strada, de arrespetai su chi est ordinau; is chi non dd'ant a fai ant a èssiri santzionaus comenti previdit su D.lg. 285/92 Còdixi Nou de sa Strada;

DISPONIT

In cunsighèntzia a su chi est ordinau asuba, s'impresa chi at a fai is traballus dèpiri pònniri sa sennialètica chi serbit in sa strada;

A s'acabbu de is traballus s'impresa depit providi a torrai sa circulatzioni a comenti fiat prima;

Sa Politzia Locali e is Carabineris sunt incarrigaus de fai arrespetai custa ordinàntzia.

Comenti est in sa lei 07.08.1990, n.241, responsàbili de su protzedimentu est s'ufiziu de Politzia Locali, in sa persone de s'Istr.Dir. Piredda Corrado, e contra de custu provedimentu est amitiu su ricorso a su Tribunali Amministrativu Regionali de sa Sardinnia intra de 60 diis de sa notifica sua o a su Presidenti de sa Repubblica, intra de 120 diis.

Su Responsàbili de su Servitziu

*Dott. Marco Casula
(Firmau a manera
digitali)*